

**12.**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06 i 51/09), člana 8. Zakona o ministarskim, vladinim i drugim imenovanjima F BiH („Službene novine F BiH“ broj: 12/13, 34/03 i 65/13), člana 5. stav (2) Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19), člana 21. tačka 2. i 18. Statuta Grada Gradačac („Službeni glasnik Grada Gradačac“, broj 10/22), člana 15. stav 1. Odluke o utvrđivanju standarda i kriterija za imenovanja/nominiranja na upražnjene pozicije u reguliranim organima Grada Gradačac („Službeni glasnik Grada Gradačac“, broj 5/22), Gradsko vijeće Grada Gradačac, na 22. redovnoj sjednici održanoj 28.02.2023. godine, donosi

**ODLUKU**

**o raspisivanju javnog oglasa za nominiranje dva člana Nadzornog odbora J.P. „Javno stambeno preduzeće Gradačac“ d.o.o. Gradačac**

**Član 1.**

Pokreće se procedura raspisivanja javnog oglasa za nominiranje dva (2) člana Nadzornog odbora J.P. „Javno stambeno preduzeće Gradačac“ d.o.o. Gradačac.

**Član 2.**

Nominiranje/imenovanje iz člana 1. ove odluke vrši se do isteka mandatna od četiri (4) godine, članovima Nadzornog odbora J.P. „Javno stambeno preduzeće Gradačac“ d.o.o. Gradačac, imenovanim Rješenjem Gradskog vijeća broj: 01-04-332/21 od 28.09.2021. godine.

**Član 3.**

Javni oglas iz člana 1. ove odluke objavit će u „Službenim novinama FBiH“, u dnevnom listu koji izlazi na području Bosne i Hercegovine, na web stranici Grada Gradačac i Radiju Gradačac.

**Član 4.**

Postupak javnog oglašavanja za nominiranje dva člana Nadzornog odbora iz ove Odluke provesti će Komisija za izbore i imenovanje Gradskog vijeća Grada Gradačac (u daljem tekstu: Komisija za izbore i imenovanja).

**Član 5.**

Komisija za izbore i imenovanja će po zaključenju javnog oglasa sa kandidatima koji budu ispunjavali uslove javnog oglasa obaviti intervju, sačiniti rang listu, pripremiti prijedloge rješenja o nominiranju članova Nadzornog odbora J.P. „Javno stambeno preduzeće Gradačac“ d.o.o. Gradačac i dostaviti Gradskom vijeću na odlučivanje.

**Član 6.**

Ova odluka stupa na snagu osmog dana od dana objavljivanja u „Službenom glasniku Grada Gradačac“.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-57/23  
Datum: 28.02.2023.god.  
G r a d a č a c**

**PREDSJEDAVAJUĆI  
GRADSKOG VIJEĆA  
Mustafa H. Adulović, s.r.**